

Alte Drucke

APOLOGIA || FRANCISCI || MONTANI PRO SOCIETATE || IESV IN GALLIA. || CONTRA ANTONII ARNALDI || Aduocati Parisiensis Philippicam. || Ex Gallico in ...

Richeome, Louis

Cracoviae, 1597

Caput X.

Nutzungsbedingungen

Die Digitalisate des Francke-Portals sind urheberrechtlich geschützt. Sie dürfen für wissenschaftliche und private Zwecke heruntergeladen und ausgedruckt werden. Vorhandene Herkunftsbezeichnungen dürfen dabei nicht entfernt werden.

Eine kommerzielle oder institutionelle Nutzung oder Veröffentlichung dieser Inhalte ist ohne vorheriges schriftliches Einverständnis des Studienzentrums August Hermann Francke der Franckeschen Stiftungen nicht gestattet, das ggf. auf weitere Institutionen als Rechteinhaber verweist. Für die Veröffentlichung der Digitalisate können gemäß der Gebührenordnung der Franckeschen Stiftungen Entgelte erhoben werden.

Zur Erteilung einer Veröffentlichungsgenehmigung wenden Sie sich bitte an die Leiterin des Studienzentrums, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

Terms of use

All digital documents of the Francke-Portal are protected by copyright. They may be downloaded and printed only for non-commercial educational, research and private purposes. Attached provenance marks may not be removed.

Commercial or institutional use or publication of these digital documents in printed or digital form is not allowed without obtaining prior written permission by the Study Center August Hermann Francke of the Francke Foundations which can refer to other institutions as right holders. If digital documents are published, the Study Center is entitled to charge a fee in accordance with the scale of charges of the Francke Foundations.

For reproduction requests and permissions, please contact the head of the Study Center, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

urn:nbn:de:gbv:ha33-1-154864

Geneuensi, aut ex reciprocis Tamesis ad Londinum fluctibus emergere, scholamq; illam & magistratus non magis te ab hæreseos suspicione purgare & vindicare; quàm vel Ratum vel Bezam, vel similes, qui in Nauarræo Collegio & non in triuialibus scholis instituti & publicis officiis perfuncti sunt. Attende iam, quonam modo te hæreticum esse doceam,

CAPV T X.

*Prima propositio Hæretica ab Arnaldo
defensa.*

QVI Theses ac propositiones hæreticas, Lutheranas, Calvinianas, & similes tuetur & propugnat, is est hæreticus: id tu facis; Hæreticus igitur es. Negare non potes maiorem propositionem, & primam huius breuissimi Syllogismi partem. Quemadmodum enim ille niger est, qui nigrorem habet, vt æthiops: & ille ignorans, qui ignorantiam habet: ita ille hæreticus est, qui hæreses tuetur ac defendit. Quare concedere cogeris Maiorem, nisi velis non solum hæreticus, sed etiam insanus iudicari. Restat ergo, vt probem, te hæreticas propositiones tueri, vt ita vndiq; constrictus tenearis. Ex multis nonnullas seligam, eas videlicet, quæ Apostolicæ Sedis auctoritatem attingunt, quam suprâ modum hæreticorum instar odisti, primisque tuis iaculis statim appetis, cum tamen veri nominis Catholici nihil prius ducant, quàm vt Sedis Apostolicæ honorem, quoquo modo licet, propugnent integrumq; præstent: quæ de causa vulgò appellantur Papistæ à filiis diaboli fratribus tuis.

Prima & generalis propositio hæretica, quam defendis, est, cum Apostolicæ Sedis doctrinam vocas *erroneam & schismaticam*

Extravag. com.
unam sanctam,
de maior. &
obed.

smaticam. Doctrina sanctę Sedis est hæc: Subesse Romano Pontifici omni humanę creaturę omnino esse ad salutem necessarium. Tu glossam addis: Ecce, inquis, quomodo nominatim & perspicue sese constituit caput, Superiorem & Dominum absolute, tam in spiritualibus, quàm in temporalibus omnium Regum terrarum Principum; ita quidem, ut de ipsis sententiam ferat iudex, regnos aut deiciat, aut reponat. Confirmas glossam tuam ex Extravag. cuius hæc verba: *utergo ergo est in potestate Ecclesię, spiritualis scilicet gladius & materialis; sed is quidem pro Ecclesia, ille verò ab Ecclesia exercendus: ille Sacerdotis, is manu Regum & militum, sed ad nutum & patientiam Sacerdotis. Oportet autem gladium esse sub gladio, & temporalem auctoritatem spirituali subiici potestati. Nam veritate testante spiritualis potestas terrenam potestatem instituere debet & iudicare, si bona non fuerit, &c. Ergo si deuiat terrena potestas, iudicabitur à potestate spirituali. In quę verba ita commentaris: Si propositiones istę non sunt erroneę & schismaticę, quid sequitur nisi nos omnes, qui Regi obtemperamus, excommunicatos esse? Argumentatio tua hæc est, ut video. Aut propositiones Pontificis sunt erroneę & schismaticę; aut nos sumus excommunicati: non sumus autem excommunicati: ergo propositiones Papę sunt erroneę & schismaticę. Pontifex igitur, iudicio tuo, errat, errorisquę doctor & auctor est, quod est Pontificem cominus petere, non ut priuatam quandam personam, Gregorium puta aut Bonifacium, neque ut priuata aliqua opinione vel persuasione imbutum, sed ut caput Ecclesię, Christi quę Vicarium; quod nihil aliud est, quàm Apostolicę Sedis auctoritatem & doctrinam funditus labefactare: Nam quidquid in supradictis propositionibus comprehenditur, id etiam Sedes Apostolica & omnes Pontifices vno ore tradunt; Lutherus, Caluinus, nostriquę temporis petulantiores hæretici non potuissent maiori in Pontifices iniuriā hæreticos sese ostendere, quàm tu egregia hac
tua*

tua assertione ex imis inferorum sedibus eruta, & ex tenebricosis gurgustis duorum istorum & similium, quos magistros sequeris producta; hoc enim est, totam Ecclesiam Catholicam ex ipsis fundamentis euertere; vereq; & Apostolicę doctrinę cursum penitus interciderere; Legesq; omnes, omnes Scholas & Vniuersitates, in quibus ius Canonicum explicatur, sepelire, & de medio tollere. Nam si asseueres, Papam docere & scriptis tradere hæreses, sequitur, dubium & incertum fore, quicquid dixerit aut scripserit: & si Decretalis à te citata *erronea & schismatica* est, vt post Caluinũ, Lutherum & omnes hæreticos asseris; dicendum erit, Concilium Lugdunense, quod ipsam approbauit, vt & totum sextum librum Decretalium, perniciosè errasse.

Arnaldus euer-
tit totum ius Ca-
nonicum.

Vix poteris auum tuum Lutherum excellentius imitari, qui odio Pontificis incensus, Iuris Pontificii volumina publicis flammis in Germania incendit: quod ille fecit igne, hoc tu pro viribus procaci lingua facis. Ministri Anglicani Præceptoris sui vestigia insistentes extulerunt Anno M. D. xlvj. in feretris, & in cineres verterunt libros Scholasticos & Canonicos, cantatis, ludibrii gratiã, mortuorum *Vigiliis & Officio*. Tu tuis illis axiomatis Gallos ad idem facinus excitas. Inficiari igitur meritò non potes, animam Lutheranam vel Caluinianam, hoc est, hæreticam in corpus tuum immigrasse: nam viri probi & in Christi schola educati, Catholici, inquam, ipsorumq; Doctores, non modò reuerentur & colunt Summum Pontificem vt Christi Vicarium. & D. Petri successorem, sed & firmiter credunt, ipsum errare non posse, docendo ea, quæ ad fidem & bonos mores spectant.

Lutherus com-
bussit ius Pon-
tificium.

Idem fecerunt
Ministri Angli-
cani.

Sanderus lib. 2.
de schism. An-
glic.

